

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城


在文川网搜索古籍书城 获取更多电子书

中國方志叢書·西部地方·第卅六號

據清光緒李雲麟著
本影印

新疆省

西陲事略



成文出版社印行



10094129

在文川网搜索古籍书城 获取更多电子书
入驻商家
www.wenjuan.com
文川网
古籍书城

中華民國五十七年三月壹一版

西 陲 事 略

定價：新台幣一二〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇一〇號
電話：九二二〇一〇號

印刷者：正 大 印 製 廠

三重市長生街二號之一



內政部登記證內版臺業字第一一四七號

中國方志叢書導言

論方志在史籍中的地位及功用

論我國史籍的源流，要以尚書和春秋最古。章學誠（一七三八一—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，應該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖輓，職是之由。」這樣看來，我國累存的史料確是不少，可惜史學研究上還待重行檢討哩！

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

唐宋以來，史籍的編纂却也演進許多，官修的演化為編年體的皇家實錄、紀傳體的正史、有闕禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史、體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全體現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇三四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事，祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史、則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綏珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館、美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的環循律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。爲了適應時代需要，樹立清晰而有系統的概念，我們把選印本方志叢書的範疇，暫定爲鄉、縣、府、郡、行政區的地方史，及各種敘一物一事的專志等（如瀘水志、廬山志）。

明清以來，方志成爲地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓史上的李馬奔 (Limahapayan) 考，據閩粵方志而成。
- (4) 日人桑原騰藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

西陲事略 上

論往 七則

兵事原始

新疆自乾隆中葉開闢以來，蒙回各部，畏威懷德，百餘年片
候相望，幾同內地。

朝無失德，官無苛政，一旦揭竿變起，不數年全局淪陷，其故何
歟。當西陲初定之時，正我

國家豫大豐亨之日，軍府供儲一切取資內地，此固

朝廷寬大之仁，為歷代所未有。然利盡則弊生，查陝甘兩省，滿
綠制兵，及關外各城防換兵丁，餉糈經費，每歲由內地各省
協撥者，約近五百萬兩。在平靜時尚覺難供，迨咸豐年間，東
南用兵，兼以中原多事，各省餉糈不能供給者十餘年，關內

外滿綠各營。饑疲虛弱。直同虛設。因之回逆得以乘機而起。勢如燎原。蓋東南用兵。以致西北餉匱。是為亂根。湖陝甘變亂。起於咸豐之末。成於同治元二年間。新疆南路變起三年。而山北諸城失在四年。伊塔兩城陷於五年。時日之先後不同。當此城既陷。未嘗不冀彼城可全。卒之搶攘營救。終無所濟者。由於西北亂根潛伏已深。逮陝甘禍亂既彰。關外聲援斷絕。則南北兩路同歸淪陷之形成矣。

故相遺謀

當光緒紀元之始。正值海防邊防並急之時。冬十一月

雲麟

適奉

命仍赴西陲軍營。進謁故相國文文忠公。文忠公曰。方今建議諸臣。多因海防吃重。請暫停西陲用兵。畫關而守。

廷論疑之、余曾因會議時、排衆議之不決者、力主進剿、幸蒙俞允、因遂有左相督師西陲之命、前此余之所以力爭者何也、我

朝疆域與明代不同、明代邊外皆敵國、故可畫關而守、今則內外蒙古皆臣僕、倘西寇數年不剿、養成強大、無論壞關而入、陝甘內地皆震、即駛入北路、蒙古諸部落皆將叩關內徙、則京師之肩背壞、彼時海防益急、兩面受敵、何以禦之、此次以陝甘百戰之師、簡銳出關、破未經大敵之寇、烏魯木齊轄境不難指日肅清、但海內帑藏空虛、元氣未復、陝甘地方凋敝、降衆未安、根本不固、烏垣既克之後、宜趕緊收束、乘得勝之威、將南八城及北路之地、酌量分封、衆建而少其力、以烏垣為重鎮、居中控、制南鈐回部、北撫蒙古、借以備禦英俄、實為

邊疆久遠之計、汝其以此意代達左相、慎勿因好大喜功、鋪張過當、致墮前功、失此次用兵之本意也。

命將得失

關外自同治三年叛亂、迄於光緒初元、各城淪陷者十餘年、前此因關內未靖、餉道阻隔、累次調兵遣將、卒無成功、姑勿具論、元年春、以湘陰左相國督西師進剿、四年之間、累克名城、師行似利、而究之於西陲大局、能發不能收、且貽後患、時論多疑之、而亦未能言其深、蓋自命將之初、得失已定、請詳述之、前此諸將患在無兵、而左相擁楚軍數萬、皆曾經戰陣、簡精銳以進剿、其兵足、前此諸將患在無餉、而左相有前辦陝甘軍務所定各省協撥歲額數百萬、益以所請京餉洋款等項、歲可八百數十萬、其餉足、前此諸將苦於因循畏葸、而

左相堅忍強毅，能任艱鉅，其才亦有大過人者。凡此三端，皆朝廷用之得當，故所向有功。然其失亦三：故流弊甚大。西北用兵，宜用北人。左相於西北地方情形，未能熟悉，又不能親身出關，凡事以耳為目，諸多蔽塞，一也。關外用兵，宜用陝甘及北方之人，今其部下皆南人，不習北方風氣，水土可暫難久，二也。左相秉性褊急，夙無容人之量，衆所共知。近日恃功驕蹇，日甚一日，喜諛惡直，黨同伐異，人言不進，三也。今新疆雖云克復，而後患甚深，推其根由，皆三失之所召。譬如用藥專用攻伐，偏勝之劑，不加培補，則標病雖除，元氣失陷，變症之來，將有甚於前症者。

相臣功過

今東閣大學士湘陰左公，以積功致高位，其勲名著於當時，

無須贅言、至性情人品則瑕瑜互見其遇事也堅忍強毅、獨任艱鉅、是其所長、而能伸獨斷、不能集眾思、又好是己非人、以致人言不進、是其所短、不辭勞瘁、鉅細躬親、是其所長、而疑忌性成、決不肯以事權假人、每每顧此失彼、舉近忽遠、是其所短、近年

朝廷重其勛望、倚若長城、海內輿論、亦莫敢輕議之、是皆震於勛業、而未能深悉其底蘊、實則功過具在、不容掩飾、請申論之、當其在湘幕也、時局傾危、能聯絡官紳、保全數省大局、雖不無偏處、實功多而過少、及奉

命督師、身任封疆、則忠義憤發、肅清浙閩等省、殄除巨憝、亦功多過少、蓋其才本沉毅、有為、而復人地相宜、一切地方興利除弊、諸政、尚未竟其所施、遽爾改官、實可惜也、至於辦理陝甘

軍務則功過相半，何也？左相承楊劉諸人辦理失當，後驅南軍用之北方，風氣未宜，而能驅任策力，殄除強寇，其調兵遣將，籌畫布置，俱有可稱。卒清疆圉，還之職方，是其功也。而亂平後，安插降衆，未能協宜，終貽後患。其過猶小。西北大患，在兵丁額餉，仰給南方。匱則生亂，左相以督師重臣，兼任封圻，朝廷之上，言聽計從，權無掣肘，事可從心。雖楚軍百戰之兵，一時未能盡去，然自古東南財賦，西北士馬，前此西北制兵，因無餉而虛弱，豈無轉移之方？乃自楚軍入陝境後，迄光緒初元，合計實用餉銀七十餘萬兩之多，而於陝甘兩省地方制兵，毫無整頓。且將楚軍客勇分防兩省境內，形格勢禁，令他人驟難接辦。是外亂雖平，而客兵不能撤，本兵不能復，其失一。甘肅境內，專恃外省協撥，有兵無餉，是為亂根。及大亂初

平諸務草創正可興利除弊改弦易張使境內能養兵無需
盡賴協款建經久不易之謀乃不此之務而惟竭海內之力
供支楚軍日不暇給飢匱時虞其失二或疑平亂有功而持
此論以求三未免太苛然左相以經世自命非庸碌者比春
秋之義責備賢者社稷之臣固如是乎至於辦理新疆軍務
以來則過多功少非親見者無由知其深蓋嘗論之此次左
相任事西陲

朝廷委任有異數三端歷來西陲用兵皆以旂員為帥此次以
左相勳高望重特頒

恩命俾總西師一也參贊幫辦大員向由
特簡非臣下所敢請此次

寄諭垂詢俾自舉所知即依所請任用以期聯絡一氣免致參商

二也、向來西陲將帥、專司前敵兵事、其肅州西安等處各糧台、皆另

簡大臣分辦、互相稽考、更無將帥兼理地方之事、此次左相督辦西事、既未開除陝甘總督員缺、而後路各糧台、仍歸其一手派員經理、三也、凡此三端、皆昔日未有、正古人所謂託以不馭之權者、為左相者、宜如何敬慎存心、以期無負委任、乃查其所為、不但不心存敬慎、而傲慢日甚、流弊日深、怙勢病國、挾私敗度、皆由一念驕盈所致、事迹甚多、難以枚舉、謹擇其尤要者三端、臚列於後、

坐失兵機

西陲征討、揚威遠邊外、全在將帥得人、自昔我朝用兵、未有大將不臨前敵、而能奏功者、此次左相督師西陲、

既未開地方員缺、又兼理後路糧餉、故不能親身出關、只可駐紮肅州、兼顧兩路、東起潼關、西抵伊犁、喀什、噶爾、橫亘萬餘里、斷非一人耳目之所能周、全在勦理得人、方能集事、然後路轉運糧餉、其事稍緩、雖遠尚能兼顧、若前敵軍情、則頃刻變換、豈數千里外所能遙度、督辦既不能出關、自應將關外一切調兵發餉之權、付之幫辦、事權方歸畫一、乃左相於進兵之前、函囑幫辦、金都統、毋庸節制湘軍、抑思幫辦既不_能節制湘軍、又豈能節制蜀豫各軍、是諸軍全無統率矣、且金幫辦係左相所舉、如謂能勝其任、則應推誠付_託謂如謂不能勝任、則宜另舉賢能、豈有陽存其名、陰去其實、令諸軍漫無統屬之理、乃左相不顧

國體、不卹人言、毅然行之、二年夏、湘軍進抵古城、將攻烏垣、左

相慮幫辦分湘軍之功、囑金軍防後路勿進、金都統不從、率部下與湘軍同進、會攻古牧地、賊巢克之、其時兵力數倍於賊、應以統帥住紮烏垣、分兵下西南兩路、則吐魯番即時可克、瑪那斯亦斷不能守、烏垣全境肅清、善後事宜、即可以當年舉辦、乃湘軍探明賊已棄烏垣不守、貪利先進、比金軍聞之、隨後繼進、則湘軍已查封所得賊糧、並將房屋佔盡、金軍部衆不平、嘖有煩言、都統恐別滋事端、兼欲專西路功、倉猝引軍而西、值白余各逆已過山南、遂報連克數城、而卒困於瑪那斯南城之下、湘軍本游擊之師、因其時金軍已西、遂為烏垣所羈、不能復動、賊見官軍不進、乃修戰備於達般城、而以輕騎擾後路、復為固守山南之計、轉利為鈍、失機一也、金軍久困於瑪那斯、不得已復調湘軍、卒以號令不一、累攻不

docsriver 文川网
入驻商家 古籍书城

在文川网搜索古籍书城 获取更多电子书

下、及至賊窮乞降、又以辦理歧異、部衆殺掠、通寇逃亡、為俄人所笑、損威失重、失機二也、逮三年春、進兵山南、其時金湘兩軍、積不相能、遂南者南、而北者北、不復相聞、左相以豫軍由哈密進、湘軍由烏垣進、蜀軍由古城進、是為三路會勦之師、而以卓勝軍住防烏垣、先是左相飭豫軍與湘軍會勦、卓勝軍、蜀軍、並歸湘軍節制、調遣、金徐兩統領、以該軍不歸幫辦之將軍節制、反歸一統領道員節制、名實紊亂、心懷不平、及湘軍克達般城、與蜀軍會於吐魯番城、白逆安夷、方收其部衆、棄城而西、計官軍兵力、數倍於賊、儘可一鼓聚殲、乃湘軍因爭糧爭功、方與蜀軍交關、豫軍前隊見兩軍相爭、從容觀望、不敢前進、雖三軍畢至、而勢散情殊、卒至白逆收其部衆、擁蔽安夷、從容殿後而去、失機三也、安夷酋長帕夏、於三

年四月，在庫爾勒城，仰藥死。南八城內亂，若即時進兵，則南疆立復。乃其時湘軍恃功而驕，抗不用命，諸軍人心解體，觀望不前，致使白逆扼河為守，更延數月，失機四也。逮三年冬，進勦南路，其時關外征兵，南北兩路，凡六七萬人，果有大帥親臨調度，號令諸軍，相機雕勦，全力兜擒，則安夷、白逆均無所逃。乃左相既欲使湘軍專其功，而湘豫兩軍不能相統，貌合神離，官軍抵阿克蘇時，安夷酋長伯克胡里等請款，白逆

問

朝廷何以處之。當時若處置得宜，全功立竟。乃張、劉兩統領以事關重大，疑不敢決，勦撫兩端，俱無成算。卒將安、白兩首逆，全行縱入俄國，數載之功，墮於一旦，失機五也。凡此數端，皆因大將不臨前敵，以致坐失事機。至白逆已失，而猶不自省。

察反令

朝廷代為索取、殊不思兩軍對敵、累失於數里、數十里之內者、
今欲遣使興詞、求諸數萬里外、得之亦失、
國體不得更損、
國威失計甚矣、

虛糜帑項

左相夙有清名、督師多年、用餉以千萬計、而家無餘資、人皆
稱之、左相既以此自負、

朝廷亦因是倚任愈重、然他人之貪、小者自敗身名、大者貽害
百姓、亦不過一時一方之害、左相之清、能使海內虛耗、

國為之弊、而

朝廷之上、猶不能知、則其患百倍於貪婪也、陝甘往事、糜餉數

千萬而不能整頓本兵為可議然雲麟不知其詳姑置勿論若新疆事則皆所親見可得而質言之左相之大弊在於用人喜諛而惡直舉近而忽遠於所經見者則苛而求之於所不見者則踈而置之今則所設糧台轉運各局東自上海起西至關外南北兩路止東西橫亘萬數千里防勇起自潼關迄西陸東西亦將及萬里既非一人耳目之所能周又決不準他人干預其事就中百弊叢生其可指者約數端一曰局員之侵漁也一曰運脚之浪費也一曰楚軍之虛耗也一曰湘軍之浮濫也此其事之可稽者計關內外楚軍征防各餉按月需支實銀七十餘萬兩每兵機一失則坐耗數百萬至諸軍臨敵解體則餉皆虛糜要而論之此次進兵西陸以兵勢論克復烏魯木齊及辦善後得實餉千數百萬可以著有

成功。今左相辦理四年之久，耗餉三十數百萬之多，凡根本之圖，絲毫未立，中外已為之困，是否虛糜，至明且顯，受任責成，咎將誰歸歟。

籌畫乖方

數載以來，雲麟於役西陲，目擊關內外種種虛空凋敝情形，竊歎故相國文文忠公之前言，寔不愧老誠謀國。當烏垣既克之時，曾以其說委曲陳達，左相疑信半之。三年春，吐魯番克復，烏垣全境肅清，關外藩籬已固。雲麟曾再申前說，其時海內之人，莫不望養兵息民，稍培元氣，即與左相夙契之談。中丞鍾麟、劉京卿與諸人意亦相同，皆致書相勸，乃密諭垂詢，令其統籌全局，為萬全可久之謀。而左相不卹人言，竟以地不可棄，兵不可停，覆奏且議，建行省設郡縣，此皆鋪張

揚厲之謀、專務美觀、不求實濟、殊未思烏垣守備不固、則伊犁雖得難守、南疆雖得必失、與其墮成功而啟後患、莫如慎終於始。

朝廷之上、但見其奏報所陳、戰勝攻取、凡事曲從、一如所請、而於形勢變遷、地方塗炭、營伍空虛、部衆散失、邊防損壞、客勇驕恣、餉匱兵饑、隱憂顯患、種種情形、未能親見、第欲將收伊犁、建行省一切、曠日持久、必不可行之事、漫冀成功於將來、譬如火將然眉、而方掘井以救之、焉能有濟、其如諸患鬱積、勢將決裂、何。

西陲事略中

述今十一則

形勢變遷

昔日新疆以伊犁為第一重鎮，烏魯木齊次之，南八城又次之。若今日之形勢，則大不然。或仍沿其說而不改，則未目擊其情形耳。近日確情，當以烏魯木齊轄境為第一重鎮，伊犁次之。南路又次之，必欲拘泥陳迹，則雖得難守，轉多後患。查伊犁物產豐饒，甲於各城，然四面高山，中間沃壤，南北不及二百里，東西不及三百里，形如長几。烏魯木齊則南屆高山，北臨沙漠，中間沃壤，連延一線，寬處不過百里，窄處或數十里，至一二十里不等。而東起木壘河，西抵綏來之西湖，橫亘近千里，截長補短，其物產亦畧與伊犁相埒。再益以吐魯番

所產則有過之無弗及。若南路八城皆面面戈壁。雖有沃壤。零星細碎。無堪建為重鎮者。分兵以守。備多力分。難於持久。實莫如分封建置等諸要荒。今伊犁為俄人所據。雖得難守。不如姑緩之。而先整飭烏魯木齊。待烏垣境內守禦既固。足敵俄人。然後徐收伊犁。與之犬牙相錯。畫疆而守。比時南疆亦自當就我鈴束。永無後患。故曰今昔之形勢變遷。迥不侔也。

烏垣塗炭

烏魯木齊既當為今日第一重鎮。則舉辦烏魯木齊善後亦當為今日第一要務。不容稍緩。而無如其事極難。即使認真舉辦。尚難措手。况並未舉辦。而更荼毒之乎。要而論之。今烏垣善後難辦情形。其患有四。一曰無民。二曰無兵。三曰無居。

處四曰兵多於民其故何也西陲變起南疆先為纏回所據旋為安夷所得其種類相近不甚殘殺故克復後回民尚多伊犁失後旗蒙各部落多避入俄境旋經俄人收復纏漢各回亦不得與各部擅相殘殺故至今各項人眾存者尚多惟烏垣境內先經漢回將旗漢人民殘殺殆盡後經安夷侵掠官軍克復地方復將漢回誅殺殆盡今統計烏垣轄境之內東自巴里坤之鎮西廳起西至伊犁迤東綏來縣境止山北之地綿亘數千里居民不及三千戶而商戶及漢回在內實計漢民不過千數百戶耳雲麟嘗行經其地惟見各軍留防客勇綦佈星羅聯營不斷或竟日不見居民所歷城池市鎮舊日人煙湊集處荆棘成林瓦礫滿地不見一人傷心慘目不可勝言細詢其故半由亂後回逆焚燬使然半由克復後

駐防客勇撤屋為薪，日久而拆毀淨盡。今數十里內，一片焦土矣。兼之滿漢額兵蕩然無存，去客勇則無兵，無民何以為守。留客勇則有兵無民，何以供支。仰給內地，則勞費萬狀，豈能持久。徒內地民實之，則戈壁數千里，窒礙難行，緩不濟急。改客兵為民，則驕情已成，不能作苦。有此數端，雖善者亦難為力。况務廣而荒，置諸不顧乎。故曰烏垣塗炭，乃今日西陲之第一患也。

營伍空虛

郡縣之地，以民為本。軍府之地，以兵為本。新疆舊制，以軍府而兼郡縣者也。今其戶口塗炭情形如此，是郡縣之本根斷矣。雖有轉移之法，急切何能為力。則請再言其營伍。山北之地，沙漠荒涼，無論冬季嚴寒，即秋末春初，往往雪深數尺，非

南人所能久居，故換防之兵，惟甘省風氣相宜，舊日鎮西迪化兩屬，本地各有制兵，今迪化境內，制兵已蕩然無存，鎮西雖有存者，亦虛弱不可使，是關外已無綠營兵，欲實其營伍，全須仰賴關內，無如關內營伍，惟甘涼蘭州三處，稍存舊規，他處亦略與關外等，如木無本，如水無源，何由條達，凡此皆連年用兵，餉項為客兵所耗之故，然綠營雖弱，猶稍可存，古者則因額餉雖缺，或耕或賈，各有本業，若滿營則更甚，巴里坤逸西駐防，雖有孑遺，不復成隊，姑置勿論，如^安西、涼州、平番等處，滿營兵丁，形同乞丐，所以然者，蓋由額餉既不能得，又別無生業，而巴里坤最甚者，則以額餉尤缺，關外食用尤貴故也，新疆軍府制度，舊以旗兵為本，綠營為輔，今關內外滿綠制兵虛空如此，則西陲之大患二也。

docsriver 文川网
入驻商家 古籍书城

在文川网搜索古籍书城 获取更多电子书